


唐兩京城坊考

三



唐兩京城坊考

(三)

徐松撰

王雲五主編
叢書集成初編
唐兩京城坊考
三冊

中華民國二十五年十二月初版

撰者 徐松

發行人 王雲五
上海河南路

印刷所 商務印書館
上海河南路

發行所 商務印書館
上海及各埠

唐兩京城坊考圖


東都外郭城圖


東都苑圖


東都宮城皇城圖

東都上陽宮圖


東都外郭城圖








東都苑圖



東都上陽宮圖



唐兩京城坊考卷之五

大興徐松星伯撰

東京

東京一名東都。始築於隋大業元年。

周武王克殷。定鼎郊鄆。書云。我乃卜澗水東。澗水西。惟洛食。所謂王城。即郊鄆也。又云。我

以處殷頑民。兩城相去四十里。平王東遷。居王城。敬王避王子朝之亂。乃遷成周。城小。不能受王都。故晉合諸侯以城之。戰國時之東周。後漢魏晉元魏之都城。皆成周也。隋煬帝始於舊成周之西十八里。舊王城之東五里。築京城。謂之新都。唐武

德四年。廢貞觀六年。號洛陽宮。顯慶二年。曰東都。光宅元年。曰神都。神龍元年。復曰東都。天寶元年。曰東京。上元二年。罷京。次年。復爲東都。

宮城

宮城在皇城北。因隋名。曰紫微城。貞觀六年。號爲洛陽宮。武后光宅元年。號太初宮。東西四里一百八十

八步。南北二里八十五步。

新書地理志。長千六百二十步。廣八百有五十步。

周一十三里二百四十一步。

新書地理志。周四千九百二十一步。

其崇四丈八尺。

以象北辰。藩衛城中。隔城二。在東南隅者。太子居之。在西北隅者。皇子公主居之。城北隔城二。最北者圓

壁城。次南曜儀城。南面四門。

河南志。作六門。蓋于應天明德長樂之外。增重光門太和門。雉城南門爲六也。然志言明德之東爲重光。又東爲太和。太和門內爲左藏庫。志又於莊敬殿條下云。莊敬殿東有鹿宮院。次東即隔城之

東。接左藏庫。按重光爲東宮正門。東宮已極城之東南隅。不容其東。尙有隙地。置左藏庫與太和門。疑太和門與武成門崇賢門同在乾元殿之傍。故六典不之載也。重光屬東宮。亦從六典刪。

中應天門。

門上飛觀相夾。門外即朝堂。武德四年。以其太奢。令

行臺僕射屈突通焚之。顯慶初。司農少卿田仁汪隨事修葺。後又命司農少卿韋機更加營造。初因隋之名曰則天門。神龍元年。避武后尊號。改應天門。又避中宗尊號。改神龍門。尋復爲應天。

東明德門。

初名興教。後改明德。東城屈向北五十步。有門東

啓。曰宣政門。即隋之永康門。

西長樂門。

初名光政。後改長樂。按六典作興教。光政則明德長樂之改。在開元後也。昭宗遷東都。復名長樂爲光政。通鑑。車駕入宮。御正殿受朝賀。御光政。敕天下。西城屈向北五十步。有門西啓。曰隆慶。避明皇名。改崇慶。

西南隅雉城南門。

乾封中開。舊書楊炯傳。如意元年七月望日。宮中出孟蘭盆。分送佛寺。則天御雉城南門與百寮觀之。即雉城南門。

東面一門。重光北門。

隋名門內。即東宮。

西面二門。北

嘉豫門。隋曰寶城門。

南雉城西門。

通鑑。秦王世民移軍青城宮。王世充自方諸門出。臨穀水以拒唐兵。胡身之注。方諸門蓋自都城出禁苑之門。松按。王世充時據宮城。則方諸門當是宮城西面之門。不知即雉城西門否也。

二門。中元武門。

隋名。南當應天門。通鑑。中宗改元武門爲神武門。樓爲制勝樓。按唐兩京大內皆有元武門。中宗之所改。則此處之元武門。蓋以誅張易之等。兵從此門入耳。禁扁屬之興慶宮。非也。

東安寧門。元武

門北則曜儀城。城二門。東面曰曜儀東門。西面曰曜儀西門。並顯慶中開。按曜儀城亦隋時舊城。通鑑王世充使魯王道衡守曜儀城是也。蓋東西二門則顯慶中開耳。

儀城北則圓壁城。城三門。南面曰圓壁南門。隋曰曜儀門。顯慶中改。北面曰龍光門。東面曰圓壁門。門外即外郭之外。

宮之正牙曰含元殿。隋曰乾陽殿。通鑑秦王破王世充焚乾陽殿是也。麟德二年命司農少卿田仁汪因舊址造乾元殿。高一百二十尺。東西三百四十五尺。南北一百七十六尺。武后長壽三年改造明堂。上圓下方。八窗四闔。高三丈。號萬象

神宮。去都百餘里外遙望見之。其北造天堂。以貯佛像。證聖元年明天堂同焚。更造明堂。侔前制。其上初置寶鳳。後以金珠代之。號通

天宮。其中號端辰殿。不復造天堂於其所。爲佛光寺。明皇開元五年幸東都。改爲乾元殿。十年復爲明堂。二十七年毀明堂之上層。改修下層爲新殿。二十八年佛光寺火。延燒廊舍。改新殿爲含元殿。殿下有九州鼎。武后所鑄。按

隋之乾陽殿有東西上閣門。通鑑王世充執越王君度等引入東上閣門是也。唐制當亦同之。殿四門。南曰乾元。隋曰永泰門。武后改乾元門。門南直應天門。唐詩紀事東京乾元門。舊章武軍鼓角樓也。節度使王彥威有詩刻石在其上。北曰燭龍。東曰春暉。西曰秋景。六典作秋澄。今從河南志。乾元門外有橫街。街

東曰華門。西月華門。隋曰東華西華。唐初改左右延福。後改日華月華。按舊紀天寶二年六月應天門觀災。延燒至左右延福門。是天寶時猶名延福。通鑑注云大明宮朝堂外有側門。洛陽宮亦有側門。疑在乾元門內之左右。乾

元門左右有萬春門。千秋門。萬春左。千秋右。含元殿北曰貞觀殿。隋煬帝造。以下殿開。皆唐永淳年製名。又北徽猷殿。殿前有石池。東西五十步。南北四十步。池中有

金花草。紫莖碧葉。丹花綠實。味酸可食。通鑑帝宴朱全忠及百官於崇勳殿。又北陶光園。園在徽猷宏徽之北。東西數里。南面有胡注時以洛陽宮前殿爲貞觀殿。內朝爲崇勳殿。則貞觀殿北當有崇勳殿。長廊即宮殿之北面也。園中有東西渠。

四通園北則元武門。其天子常朝之所曰宣政殿。在含元殿西。初名殿門曰光範門。河南志云。宣政殿南有武成門。又

于苑。乾化。敷政後改光範殿之東門曰東明門。按宣政疑當如含元。有四門。今惟有東門。南門名也。宣政之北曰仁壽殿。河南志作長壽。今從六典。又北觀文殿。又北同心閣。又北麗

日臺。又北臨波閣。閣北臨池。池有二洲。東洲有登春閣。其下爲澄華殿。西洲有麗綺閣。其下爲凝華殿。池

北曰安福門。北院雕飾最華。隋煬帝寢御焉。當明德門內爲會昌門。隋名。又北章善門。門內門下省宏文館在焉。章善之東爲

太和門。玉海引河南志。太作泰。門內左藏庫在焉。自此而西有文思殿。在舊東華門之東北。其北莊敬殿。殿東有鹿宮院。次東即隔城。又北飛香殿。

又北襲芳院。又北上清觀。則達安寧門。門在觀東。莊敬之西爲大儀殿。其北麗春臺。又北流杯殿。殿上漆渠九曲。從陶光園引水注莊

敬院。隋煬帝與宮人爲曲水之飲。又北宏徽殿。則達陶光園。當長樂門內爲廣運門。隋名。大唐新語。神龍初。桓彥範與張柬之等發北

吳景運門。舊書元宗紀。新造銅儀成。置于景運門內。景運疑卽廣運門。又河南軍入元武門。斬張易之等。遷則天於上陽宮。柬之勸

憲以廣運爲隋名。按煬帝時。斷無以廣爲門名者。疑隋曰景運。唐則改爲廣運耳。又北明福門。本名顯福。避中宗名改。通鑑。王世充使其黨張續董濬守章善顯福二門。

門內中書省史館。在中書省西。內醫局。史館南。尙食廚。史館北。命婦院。中書省北。修書院。命婦院北。本太平公主宅。在焉。明福之西爲集賢

門內集賢殿在焉。

舊書開元十三年四月丁巳改集仙殿爲集賢殿。麗正殿書院改集賢殿書院。胡交修洛陽宮記云。開元之隆。即明福門外置集賢書院。置學士員校讐其間。按開元五年于東都乾元殿東廊寫四部書。因號乾元院。

六年改爲麗正修書院。十二年移置明福門外。名麗正殿書院。十三年改集賢殿書院。張說恩制賜食於麗正殿。書院宴賦詩。東壁圖書府。西垣翰墨林。俗本作西園誤。舊書馬懷素傳論亦以西垣東壁言麗正殿。見潛邸劄記。

自此而北有仙

居殿。在集賢殿北。

其東有億歲殿。在仙居殿東。舊書崔義元傳。神慶則天時入朝待制億歲殿。集仙殿。在宣政殿西北。武后造。前有迎仙門。亦謂之迎仙宮。舊書桓彥範傳。太子至元武門。斬關而入。時則天在迎仙宮之集仙

殿。斬易之昌宗于廊下。迎仙宮。張易之傳作迎仙院。按五王誅二張。進至太后所寢。同明殿。在億歲殿東。舊書薛訥傳。則天以訥長生殿。閻氏若璩曰。唐寢殿。皆謂之長生殿。通鑑二百七有長生院。胡注。院即長生殿。將門使攝左武威衛將軍安東道經略

臨行於同明殿召見。其北則達九洲池。在仁智殿南。歸義門西。其池屈曲。象東海之九池。居地十頃。水深丈餘。島魚翔泳。花卉羅植。池之洲殿曰瑤光。隋造。武后殺僧懷義于瑤光殿前樹下。亭曰琉

璃。隋造。在瑤光殿南。觀曰一柱。隋造。在琉瑤亭南。環池者曰花光院。曰山齋院。在池東。河南志圖云。二院並

院。在翔龍院北。曰仙居院。在安福殿西。曰仁智院。在仙居院西。殿西有千步。曰望景臺。在池北。高四十尺。方二十五步。大帝造。西則達于隔城。隔城

者。閭闔在其上。蔭殿在其下。隔城中。南有三堂。北有三堂。舊皆皇太子公主所居。隔城之上有閭闔閣。閣南北皆

映日臺。又南百戲堂。又有五明殿。又南儀鸞殿。劉軻陳元瑭塔銘。法師謁文武聖皇帝于洛陽宮。二月己亥。對于儀鸞殿。殿有射棚殿。東即雉城四門。門外有給使坊及內教坊御馬坊。

闕城四映日臺南。下有五殿。上合爲一。亦蔭殿也。壁厚五丈。高九十九尺。東西房廊皆五十間。西院有廚。東院有教場。內庫。大帝常御此殿。又南德昌殿。在雉城西門。內殿南曰延慶門。又南曰韶暉門。又

南飲羽殿。又南雉城殿。則達雉城南門。雉城南門之西有麗景門。夾城自此潛通上陽宮。

延祥殿、延壽殿、六合殿、北殿。武后宴于北殿。崇福殿。安福殿。遵孝敬皇帝諱改。含章殿、宜春院、迎祥院、六合院、觀禮門、收成門、光

慶門、瓔珞門。劉宏基從太宗經略東都。戰于瓔珞門外。左右銀臺門、金鑾門、廣達樓。開元二十四年。明皇在東都。千秋節。御廣達樓。宴羣臣。武宗時。雷震廣達樓。舊書。王君奭傳。上宴君奭及妻夏氏于廣達

樓。以上皆見河南志注。紫宸殿。通鑑。則天常御紫宸殿。胡身之注云。六典。洛陽宮。不載紫宸殿。以西京大明宮準之。紫宸殿。內朝也。其位置當在乾元殿後。積善宮。通鑑。朱全忠害何太后于積善宮。不知其處。舊書地理志。太

初宮內。別殿臺。鑄三十五所。

東宮。在宮城東南隅。正門曰重光門。東西各有小門。東曰賓善。西曰延義。一曰含清。門見禁扁。宮中有馬坊。通鑑。天后使薛元超等鞠

太子賢于東宮馬坊。獲得皂甲數百領。

皇城。